



• Maria Dios Nana Nuedi  
Anga Paba Nega Igal Oyoge!

---

---

**! Maria Dios Nana Nuedi  
Anga Naha Nega Igal Oyoge!**

---

---



# 1.—DIOS NEIXE NABIE.

(al cielo, al cielo  
quero ir...)

Dios neixe, Dios neixe  
Dios neixe nabie,  
Dios neixe, Dios neixe  
Dios neixe nabie.

1

Dios neixe nabier  
Dios igal nue itóe,  
Guappa be kuage gine  
Be Dios sabguoe.

*Dios neixe....*

2

Dios neixe nabier,  
Dios nuki mel todoe  
E nuga sabguóe  
Yoisal mel kolóe.

*Dios neixe....*

3

Dios neixe nabier  
Dios ibgin mel arbae  
Dios unnlla pinsae  
Misas na mogoe.

*Dios neixe....*

## 4

Dios neixe nabier  
 Be paba sabe sae  
 Be nana nabir take  
 Ega ib saoe.

*Dios neixe....*

## 5

Dios neixe nabier  
 Tule mel iblogoe  
 Dios tummat uruoe  
 Nia se naoe.

*Dios neixe....*

## 6

Dios neixe nabier  
 Niaguat mel sunmáke  
 Nisaet mel imake  
 Oturdallegoe.

*Dios neixe....*

## 7

Dios neixe nabier  
 Mel inmal atursae  
 Pattgadi inmala gae  
 Nos tummat kuoe.

*Dios neixe....*

8

Dios neixe nabier  
Kakánna mel sogóe  
Tule pait nug ichóe  
Mel tegi saoe.

*Dios neixe....*

9

Dios neixe nabier  
Ome nikus malale  
Ome pait abesale  
Okummailegoe.

*Dios neixe....*

## 2—KRISTIAN IGAL

(oh María madre mía)

---

Tule nuedi san burguísa  
Nibaneixe naoe,  
Tule iskana san burguísa  
Nia neixe naoe.

1

Dios kuennágua nabir soge  
Niba nega kine mai  
Ati inmála obinnísat  
Tegi pela take mai.

*Tule nuedi...*

2

Pab Dios kine be sogóe  
Tule pagua nabir mai  
Kuena Paba, paiti Machi  
Paiti Epiritu Santo.

*Tule nuedi...*

3

Pab Dios Machi nappa aidésa  
Jesukristio tei nukkús  
Anmal pina kualulesa  
Belengine dailesku.

*Tule nuedi...*

4

Jesús Nema sunnat nika  
Toi nuedi nabiri  
Anmal pina sunmakedi  
Emi niba sigemai.

*Tule nuedi....*

5

Jesús igal oturdáisa  
Niba neixe naegal,  
Anmal pina uilésa  
Nakrusgíne burguisat.

*Tule nuedi....*

6

Ib pagine turgus bali  
Niba neixe-nakuís  
Paba uálik sigis sunno  
Anmala abdaile mai.

*Tule nuedi....*

7

Katoliko saila nika  
Epennegi Roma mai  
Santu ede nue ple  
Ati Diosba nue nai.

*Tule nuedi....*



### 3—PAB DIOS AN TAIBIE

(Jesús .oh Rey del  
cielo, divino corazón)

Pab Dios an be taibíe  
Nibali nekine  
Emískua an be sogóe  
Pab Dios an pentake.

1

Be uagála nuet dailége  
An taibíe nabiri  
Santosmala angel pela  
Bali bali an sabguo.

*Pab Dios....*

2

Iti napkin uile toga  
Bepin pukipinsa mai  
San be neixe yelittoe  
Obunnoéga nakoe.

*Pab Dios....*

3

Nia an purba kae bie  
Mel pan mete Paba nuet  
Emis soge pegad igal  
Nanae ueligucle.

*Pab Dios....*

4

An arbaet toi tummadi  
Nue an pudaritto gus  
pukittóet, uiléget,  
Be ualik nue perkus.

*Pab Dios....*

5

Ittisine neg iskana  
Anmal pela itto di  
Nibar dina olo nega  
Takar takar daile si.

*Pab Dios....*

6

Ponigana pukkidara  
Uegi sana odar si  
Paba nega olo kangi  
Sam nuedi ittodí.

*Pab Dios....*

7

Uiskana burguiságu  
Pabse idu nad sunnó  
An takóe, absogóe,  
Eba toidar uerguó.

*Pab Dios....*

## 8

Paba nuedi be nekine  
 Iba tummat onoe  
 Bei uerguet, yelitóet,  
 Kuen an bal indakoe.

*Pab Dios....*

## 9

Nap sokuelo nue tobe  
 Igar páitsik aibane  
 Be igargi an nosale  
 Nia neki an mooe.

*Pab Dios....*

## 4—TULE PAB SABKUET

(Cristianos venid  
devotos llegad)

---

Tule Pab sabkuet  
Pabse nabiet  
Paba neixe perkuale namala  
Pab Dios bese kole  
E neixe nae.

1

Pab Dios kine nue pinsa mala  
Itogeti neixe  
Kuae namala  
Be Dios igala turdaimaloe  
Pab Dios bese kole  
E neixe nae.

*Tule Pab....*

2

Pab e neki bemal abdamala  
Perkuale taimala  
Kannarba soge  
Tule pela Dios sabgudimala  
Paba ittomala  
E neixe nae.

*Tule Pab....*

## 3

Bernalpina Jesús nakrus sesa  
 Ibianisa ariosa  
 Tegi abe uixat  
 Nakrusgine piokale kuichi  
 Agine burguisat  
 Tegi tiglesku

*Tule Pab....*

## 4

Jesus ebo ai nuegan sabie,  
 Misas nanamála  
 Jesús sogé mai  
 Misagine Pab Dioski pinsae  
 Diosga namakóe  
 Ati be ito mai.

*Tule Pab....*

## 5

Pirgagine Konfesion saoe  
 Tegi abinkaóe  
 Santa komunion  
 Ostia gine Jesus sunnat mege  
 Tegi nabir soisa  
 Ué nappa gine.

*Tule Pab....*

6

Mariaga Rosario sogóe  
Agi pinsaoe  
Pane pane gi  
At uilemarga nue pentakedi  
Pega inmal ukoe  
Dios nuegan inmal

*Tule Pab....*

7

Dios angel be ualika mesisa  
Be pentakegala  
Be nuet siki mai  
Ega soge ambo ai nuedi  
Mel panse mel-lede  
An burguet sega.

*Tule Pab....*

## 5—KRISTIAN IMAS

(Tú reinarás este  
es el grito...)

---

Kristian imas, ib toi nuedi  
Tule perkuable ouisoe  
Jesus e solda an gokusati  
Pane pane insaoe:

Kannarba an namako

Kannarba an sogoe

Jesus an saila imasati  
Bali bali sabguoe  
Jesus an saila imasati  
Bali bali sabguoe.

1

Kristian imas, itoget gine  
Kege sapurba arbalege  
Itoget neixe be nanao  
Misas ittogete sigoe.

*Kannarba an namako...*

2

Kristian imas, pela nosmalat  
Padil asapin sogoe  
Be purba sipusur nikale  
Takkugua sunna naoe.

*Kannarba an namako...*

3.

Kristian imas, Dios soget yarba  
Santa ostia be togoe  
Jesus e sana kunmaloe  
E abe pela koboe.

*Kannarba an namako....*

4

Kristian imas, tule perkuable  
Mesmalat yob be takoe  
Ega inmala uis pinsae  
Ullemalat pentakoe.

*Kannarba an namako....*

5

Kristian imas, Jesus e Nana  
Be Nana moga kuoe  
E machi yobi be takoe  
Be pentakega skolo.

*Kannarba an namako....*



## 6—SAKRAMENTOS

(Es toda pura  
y toda bella...)

---

Tule nuegan Dios soldagana  
Igal sunnáti ba nabier  
Sakramentos Jesús onosat  
Nibali nae pentake.

1

Dios neixe nae be abelíle  
Padilgi nuga saoe  
Jesús igarba nue nanao  
Kuagegine sabguoe.

*Tule nuegan....*

2

Kristian imasku nuedae gala  
Abinkae Konfirmasion  
Be purga kantiki kusale  
Ursiligana obinoe.

*Tule nuegan....*

3

Be nosamala Jesús igargi  
Konfesion ba elioe  
Kuage sipuguat imasale  
Mel bali dapusur sae.

*Tule nuegan....*

4

Be Santa Ostia abingaóe  
Jesus e sana sunnat mai  
Ostia be toisa pinsaóe  
Jesús an kuage nudai nai.

*Tule nuegan....*

5

Be san burguiálil aimalga sogo  
Padil amie an ai nuet  
Padil be abagan magóe  
Pela nosmálat elie.

*Tule nuegan....*

6

Padir toi nuedi nabir be dake  
Be pina Dios se kole mai  
Kuage nudake purba elie  
Dios se be nae pentake

*Tule nuegan....*

7

Sapingan ome ibgubiéle  
Ome abirgin subier  
Padil se nao nue nikue  
Ebo Dios ba nanáoe.

*Tule nuegan....*

## 7—NAI DIOS NANA

(Madre mía que  
estás en los cielos)

---

Nai Dios Nana angad nana moga  
Uilemalat nana, be nue anmal take  
Be nuskana uilemalat toga  
Uenappa nekine emi pobukkua.

2

Inmal toga Dios begala uixa  
Sailaga nibali anmalga mesisa  
Pab ualika Dios neki sigisa  
Mel be anmal iege pegi abdoi mai.

3

Ursilimata anse nonikile  
Pese Nana nuedi an ibia onakoø  
Emi sogø an pese kochale  
Be an ittogø an pentakoø.

4

Balibali an be sabgubie  
Begin pinsaoe an burguet sega  
An burgualil be an purba sue  
Be Machi ualika be Nana sede.

## 5

Perkuable Nana be pur nuedi  
 Nabir ués nanasat, Dios aia megisat  
 Dios igalgi, kuen be nosa suli  
 Kuen be akkar kusat, be daet toi nuet.

## 6

Pab Dios tummat ualika be sige  
 Be kana par niba, pur takar dailege  
 Be asápin pela yelittoe  
 Angel mal namake, Santu uergue.

## 7

Dios nei mosku be uagar takóe  
 Toi nuet dailege, nue an taibíe  
 Be asapin nue absogoe,  
 Uegi an pentasat, epinsaoe.

## 8—AVE MARIA

(El mismo saludo  
que el angel te dió)

---

Maria Dios Nana  
Niba neki mai  
Pega namaibie  
Nana pan itoge  
AVE AVE AVE MARIA  
AVE AVE AVE MARIA.

2

Ué nappa nekine  
An ursilit tobe  
Nan an pese kole  
Kuae pan pentake.

AVE....

3

An búrgue sokáli  
Uile be an take  
Be an pentailile  
Pab neixe naoe.

AVE....

AVE.....

Udhar allasde  
Dhogg pinsaoe  
Sedogi knasde  
Kannar Dias koloe.

6

AVE.....

Niball nakusa  
Am Paha takoe  
Eya namakoe  
Uelgual knoe.

5

AVE.....

Am jurbu nodele  
Be Nama suo  
Niball sedoe  
Kob Dias tabie

4

## 9—MARIA AN NANA

(Salve Mayo Florido)

Nal Dios Nana nuedi  
Pab Dios ualika mai  
Be anmal pentakedi  
Uile be an tai mai.

1

Bega kantiki an namako  
Begi an uerguoe  
Be nuga an picilile  
Tobet osuloe.

*Nal Dios Nana...*

2

Nia an se nonikile  
Be anga ononóe  
Be anmal pentailile  
Kuen akkar kuoe.

*Nal Dios Nana...*

3

Uaidar an attasale  
An be insaoe  
Nei mutiki kusale  
Kannar bes koloe.

*Nal Dios Nana...*

4

An sapurba arbæle  
Nana nue an take  
Anga akkar kudele  
Kudæ an pentake.

*Na! Dios Nana...*

5

Temarba an gudilile  
An ul aibittele  
Barguet an naya bali  
Mel pinna an pentake.

*Na! Dios Nana...*

6

Kachi an keguailile  
Naibirba ittoele  
Ina nuet anga taisal  
Kudæ nuguoë.

*Na! Dios Nana...*

7

Pukipinsa an siile  
Tule uiles nadele  
Bega an namoralile  
Kannar uerguoë.

*Na! Dios Nana...*



## 10—MARIA AN OTURDAKO

(Es la Virgen del  
Rosario....)

1

Jesús nakrusgi burguiáli  
Anmal nue pinsasgu  
E Nana nuedi toga  
Anmalgala uixagu  
María an nana, an be sabguó  
Pan take, pan ittoge, ise an namako.

2

Epennegua ani pipigua  
Be nui piet uiskus  
Be tulemal peniakedi  
An nan anga sokargu  
Be kuage nuedi, be daet yerba  
Inmala be nargue uichuli sursunna.

3

Niamal an idarati  
E neixe an sedbie  
Agi an okummaibie  
Agi oyokkubie  
Nia pan ai suli, idar an take  
María aia nuedi, ese an nabie.

## 4

Ib paitgadi atursæ  
 Nia an oturdaibie  
 Pane pane kakansæ  
 Ede abe mogoe  
 A igal iskána, an mete sunno  
 Maria Dios igala an oturdailego.

## 5

Ua naba nia kole  
 Mel be Misas naoe  
 Mel be Rosario sogóe  
 Mel be Dios pinsaoe  
 Nia iskanáguá aku an be ittogo  
 María an oturdásat, abi pinsa sunno.

## 6

Angel nuet be tikar kuichi  
 Dios igal be oyole nai  
 Paba tummat a parmísa  
 Dios neixe be sede gal  
 Be nue ittoalíle, eba nadele  
 Maria be Nan se nae nue bartakoe.

## 11—JESUS OSTIA GI MAI

(Oh buen Jesús yo  
creo firmemente)

Jesus epenne burgue na sokali  
Igal nuet anmalga obesku  
Tule perkuable nue uiskusale  
Dios nega nao anga soisagu;  
    Be soldaganga epenne soisa soku  
    An sana sunnat be kunmaloe  
    Nakrus gine an abe per ariosa  
    Ostia gine bemar kobmogoe.

### 2

Jesus be igal anmalga be onosku  
Pan oturdas an nabir itto di  
Aa igal nuet an keger ittosale  
Urbali nega nao sunnoe;  
    Be sana mai santa óstia gine  
    Be abe purba nue aagi si  
    Be nabir soisat tegi an itoe  
    Kakan igal sursunna obarisku.

### 3

Jesus an ai an begi toi insae  
Be pina an kuage pukipinsa si  
Ambo ai nuet emiskua imasale  
Na sabgumalo tei nanaoe;

Dios igargangi noar an nandisa  
An pukipinsa an uile itodi  
Emiskua gine nappira an bel sogo  
Pegad igal an bal indako sur.

4

Be na sokalir santa ostia toe  
Pina be kuage sipu saoe  
Be kuage sunnasur ostia toisale  
Dios tummat urue bese tagoe;  
    Itoget neixe kuáe kuáe nae  
    Padil asápin purba eliele  
    Be nosmalat nue pukipinsae  
    Tegil be purba takku naoe.

5

An Dios ka nai an tegi sokar dae  
E igalba nue an nana bie  
Nia igal an abe sursunnáguar  
Dios bi an ai an es nadapoe;  
    Dios Paba tummat an Paba sunnati  
    Egi an togar epinsae di  
    An kege ieye Paba toi nuedi  
    Inmada nuegan anga parmi di.

## 12—JESUS MACHIMALA KOLE

(Vamos niños al sagrario)

Machimála Dios se nae  
Igal nuet turdakoe  
Jesus e nuskana kole  
Ai nuegana imaibie.

1

Ai Jesus mel pikipinsa  
Uile an ittogoe  
Soldagana uégi bukuat  
Be igal ba naoe.

*Machimala....*

2

Ai Jesus an bei sokuelo  
Nabir an nanaoe  
Kaka iskana sunmakedi  
Kuen an tegi daoe.

*Machimala....*

3

Machimala ursiligana  
Nia neixe naoe  
Kaka iskana sunmakedi  
sogi kummai mogoe.

*Machimala....*

## 4

Na Jesus an ai nuedi  
 Ambo na sabguoe  
 Ai kunnaledi imasat  
 Kuen an bal iegoe

*Machimala....*

## 5

Uaidar yal an attasále  
 Dios gi an pinsaoe  
 Mutiki an kab sokáli  
 Kannar Dios se koloe.

*Machimala....*

## 6

An pába nue pentako  
 Nanga inmal saoe  
 An punmal an siamala  
 Sabe sabe saoe.

*Machimala....*

## 7

Teun ués Jesús digúa  
 Purigana saperbá  
 Ga Dios igal oturdáke  
 Pane pane sunmasat.

*Machimala....*

## 13—PASTORMALA TAGE

(Un beso al Niño Jesús)

Na! Jesus an ai nuedi  
Uilegedi an be dake  
Kuarugua napse aidesa  
Anmala nue pentake.

Aimal uerguo  
Per namaimalo  
Dios Machi sunnati  
Dios Machi sunnati  
Belén nonigu.

2

Koe bip Jesús dailesa  
Anmal per yelittomalo  
Dios igal ba namalóe  
Nia igal per indako.

*Aimal uerguo...*

3

Angelmal Belen aidesku  
Iba tummat onoali  
Namaket nuedi ittosa  
Kar pukkidar ittoali

*Aimal uerguo...*

## 4

Nek kabiguen Jesús noni  
 Nek korosuli aidesa  
 Pab tummadi soget yarba  
 Tad yoruku imalesa.

*Aimal uerguo....*

## 5

Molimal edarbet torgan  
 Mutiki angel sunmasku  
 Pelakuable uérgumale  
 Jesus bemal yob imasku.

*Aimal uerguo....*

## 6

Saila ualopá tummadi  
 Niskua toi nuet dailesku  
 Ilaguen Belén se nade  
 Jesusga inmal uilesku....

*Aimal uerguo....*



## 14—DIOS MACHI KUALULESA

(Ha nacido Dios....)

Nasaret nekuebur gine  
Maria Dios pinsa mai  
Angel tummat ega soku  
Be Diosba nuedi nai;  
Paba tummat an parmisa  
Be nue ouiskuegal  
E Machi Nanga kuoe  
Tule sunnat kue gal.

Pinnasur an sogo  
Ise an namako  
Jesús kualulesa  
Yel itto malo.

### 2

Belengi Jesús aidesa  
Nekkabíguen noniki  
Angel pukkidar aidesa  
Uérgu bukua namaisi;  
Moli edarbedimála  
Angel úkkur taisagu  
Ega soisa Belen nae  
Jesus kuarug nonigu.

*Pinnasur an sogo....*

## 3

Pastormála Belen nade  
 Nega iskana abingusku  
 A neiyappa toisamála  
 Jesus Nanga sokargu;

Anmala be dake noni  
 Machigua taibi mogo  
 Ga inmála uimalóe  
 Kusar anmal na baló.

*Pinnasur an sogo...*

## 4

Niskua tummat niba nega  
 Perkuablega soile nai  
 Paba Machi nappa aidesa  
 Tulemala abdake mai;

Sailagán Dios igal uisi  
 Uclapá nei mettegú  
 Kuáegua Belén se nade  
 Niskua idu nonigu.

*Pinnasur an sogo...*

## 15—GLORIA IN EXCELSIS DEO

(Mil pintadas avecillos)

1

Dios Mariaga Angel parmisa  
Be Dios Machi Nanga kuoe  
An Dios ibsaet, Maria sogé  
Be soget Dios анги sae.

*Gloria in excelsis...*

2

Jose, Maria Belense mosku  
Pia kabmalóe egismat  
Tule idarati yap Dios okabe  
Bemalga sogé nega shul.

*Gloria in excelsis...*

3

Belen gine Jesus kualulesa  
Nekkabiguengi Dios noniki  
Tegi ittosuli angel aidesa  
Jesus kuarugal namaisi.

*Gloria in excelsis...*

## 4

Pastormalga angel soinaide  
 Belengine Jesus kuarug mai  
 Kuáe tainamála inmal uke  
 Bemalpina Dios aidesku.

*Gloria in excelsis....*

## 5

Niskua nibgine Dios obinnisa  
 Tulegala Jesus óyor nai  
 Saika ualpágua talsagu soge  
 Jesús noniki nabiri.

*Gloria in excelsis....*

## 6

Herodes tobe Jesus pinale  
 Ibiga pinsa Rey tummat si  
 Saílaga pagua Belen na soge  
 Mimi taikus tanibali.

*Gloria in excelsis....*

## 7

Jesus tulemalga ai nuedi  
 An be sabgue kuagegine  
 Be ibia nisa an pina ariosa  
 An be toidara sabgue.

*Gloria in excelsis....*

## 16—DIOS KUARU GALA

(Divina María te  
quiero te adoro)

1

Nigine tamberba Jesus kualulésa  
Uile negogine Kuarug annal pina  
Kuarugua ibia nisa arioge mai  
E kuage nuoguadi annal saberbá.

2

Pab niba aide noni tule annal gala  
Tule idarati kuage sunnasur  
Angel aide noni negikona sega  
Pab Machis namake nabir fito si.

3

Angel sunna soge pastorse amba mēga  
Machi kualulesa Belegine mai  
Pastormala nae, kuarug uagalúe  
Nekine abinnana, Machi Nana pogua.

4

Pab Dios obinnísa, niskua nuet doilege  
Saila pa taisaga Jesus take nae  
Belense noniki Jesús tokogala  
A yokerginsiqe pinsa uke inmala.

## 5

Herodes iskana urue toga mai  
 Mimigan kuarugua osulo bie  
 Dios Paba parmisa angel Josegala  
 Kuækuáe Machígua tikkasuli sede.

## 6

Ib pagua oelesa e Pab e Nan poe  
 Dios nekine sige oturdakegal  
 E Nana ibsae Nasaret nekine  
 E Pab pentakóe urgo sobe inmala.



## 4

Anmal pentakegala be aidesa  
 Dios igal oturdaiga be noni  
 Kaya purba an oturdai sulile  
 Anmal nioneise kummai sunno.

Jesús kuarugua emi kualulésa  
 Anmal perkuable yelittomolo.

## 5

Angal be sana uilégu tagoe  
 Argan nai pogua be maile kuo  
 Español gi kuage naibiguoe  
 Iko kurgina be nono sio.

Jesús kuarugua emi kualulésa  
 Anmal perkuable yelittomolo.



## 18—JESUS ANMALSE NONIKI

Jesús anmalse noniki  
Perkuable nue ittomalo  
Mel pukiba pinsamála  
Iba tummadi sunsóget:  
    Angel mal aidé noní  
    Ibikusa taibimala  
    A neiyappa toisamargu  
    Iba nuet ono sokali.

### 2

Nana Machi kualulesat  
Mor sipugi anuisat  
Kaski uileget mesisat  
E Machiga soisa sunno:  
    Ibiga be uile di  
    Be Dios Machi sunsogedi  
    Pab ualika yer megisat  
    Ibiga nappáse aidesat.

### 3

Yargine pastoresmala  
Moli omae maigine  
Kannera tummadi taisa  
At tobqual nonimála:

Ibiga be tobgusmal  
Yelittoet yayarmása  
Belén gine Dios aidésa  
Tulega pentake noni.

4

Kuae pinnasur namála  
Ibi kusa uiskuóe  
Inmala nuegan ga sede  
Jesús pinsa ukegala:  
    Angemal ittosunno  
    Jesús gala namai bukua  
    Tulegala sunmai bali  
    Bemal pentakoet noni.

5

Tegil emi iba tummadi  
Nabir yelitto anmala  
Dios sunnat anmalse noni  
Pab anmalgine pinsasku:  
    Mimigana uerguo  
    Machimala nue namako  
    Machergana Dios pinsae  
    Omegan Dios gi sunmako.

## 19.—UE NAPPA AIDESA

(Bienvenido a  
nuestro valle)

Dios aimal nue ittomalo  
Igal nuet sunmailegó  
Paba Machi nappa aidesku  
Dios igal oturdako  
A igala be ittosalé  
Dios nei sega na sunno. (bis)  
Yappett! Yappett! uergumalo  
Per kormala: Akka pool  
Belen gine Dios aidesa  
Anmala per yelittogo.

2

Jesús anmal ai nuedi  
Aa yobi kuen dalle sur  
Bali bali se kormala  
Egi insaet indai sur  
Uilegedi be nadele  
Pe pentako ittosur. (bis).

Yappett....

3

Paba tummat niba mañti  
E Machiga nuga amis  
Jesús nabir onukusa  
Nui tummadi ittole di  
A nuga nue kochale  
Niamal per tobgu si. (bis).

*Yappet!....*

4

Jesús kuaru nappa aidesku  
Nia igal piske sunno  
Soldagan eba nanaet  
Perkuable na sumaló  
Nia saila iskanagua  
Ualaguena ku maló. (bis).

*Yappet!....*

5

Adan, Eva tummat nosa  
E se Dios nue ulús  
Nia nega argaale  
Aa toidóe soisagu  
Jesús yauagak edicha  
Uruemalat onugús. (bis).

*Yappet!....*

## 6

Igal nuedi uichurmálat  
Dios igal turdaimalo  
Ichakuáguá nanamalat  
Jesús ba nana sunno  
Kuage sunnasulimalat  
Pelaguappa nudako. (bis).

*Yappet!....*

## 20—MASMALA BELEN NÆE

(Venid pastorcillos,  
venid a adorar)

Masmala nuedi, Belen namala  
Mel pukipinsae, yelitoerba  
Angelmala yobi, ega namako  
Pastormala giti, inmal uilegó.

1

Neki paiti gadi, Jesús kualulés  
Uile ittoedi, pipigua dailés  
Mola kuennisuli, san attuegá  
Kual-lu surmogana, nei mee saega.

*Masmala nuedi....*

2

Maria e Nana, Machi sabe mai  
Nue okabegala, basu omai nai  
Yeer ega namasku, Machi okabís  
Nega tikkasuli, poogua megís.

*Masmala nuedi....*

3

Jesús ualikagua, San José sigu  
Nue pukipinsa, uile ittoegu  
Ué susu nuedi, or kangí sigís  
Emis nega iskana, sunnati amís.

*Masmala nuedi....*

## 4

Kagan askigine, napgi meredi  
 Moli abargine, íchakua kab si  
 Moli maga take, Dios tambera maí  
 E bunnoet bali, ouóe nai.

*Masmala nuedi...*

## 5

Machimala iba, emi nue mos  
 Punamala maga, egi uerguó  
 Mel pukipinsae, mel oakkuó  
 Pinnasur namake, ise okormako.

*Masmala nuedi...*

## 6

Kuae ga namake, angel mala gii  
 Kala onamake, Belen nega gii  
 Masmala perkuable, Jesús ai nuet  
 Dios nibali nega, pela sedoe.

*Masmala nuedi...*

## 21.—NAKRUS IGALA

(Desde esa cruz

Dios mío...)

Kudlos nia e solda  
Jesús Dios Machi kalésa  
Pinnasur eós edicha  
*Uaganan bibiolésa*  
*Emís an ulle itto mai*  
An uágar pingé kusa  
Jesús an aí nuedi.  
Nosmálat be elíe.

2

Bese nue uruemála  
Kuae kuae oburgue bie  
Pinnasur mor esúsa  
Puar yi edichomala  
*Kannarba bibiolésa*  
Be san abe bi kusa  
Jesús an aí nuedi  
Nosmálat be elíe.

3

Be burgue na sokali  
Abagan monimó be ittosa  
Nakrus aidiki kusa  
Bengusar amukulésa



*Maria abin tak kuichi*  
Taisal nue oakúsa  
Jesús an ai nuedi  
Nosmálat be elie.

4

Yar pil-ligan se mosku  
Nakrus aski be megísa  
Argan naibo mailesku  
Per abe suus ariosa  
*Tegil krus okuichísku*  
Anmal pina burguísa  
Jesús an ai nuedi  
Nosmálat be elie.

5

Be abagan burguisku  
Solda kuen be tikar kuichi  
Esigi sikka imasa  
Pinaskar nue siglesa  
*Be kuage mailes moga*  
Mailesku abe ariosa  
Jesús an ai nuedi  
Nosmálat be elie.

An íchakua pinsasku  
Kurgin iko be siisa  
An niagua sunmásku  
Ib kaibit an be okopsa  
*Nia igal nanasat*  
Be naga an mailesa  
Jesús an ai nuedi  
Nosmalat be elie.

## 22—JESUS UILE AN BE DAKE

(Piedad, piedad Dios mío)

Jesús uile an be dake  
Nakrus gi piokal si  
Anpina be ahe ariosa  
Be kucage mailesku.

1

Judíos be kalesa  
Solda uarguen be uixa  
Paitmála be mel-lésa  
Sailamal be sarsosa  
Be sana biblosale  
An take pingé kusa  
Be nongi tule idarat  
Kurgin iko sigísa.

*Jesús uile an be dake...*

2

Tulemarga pinale  
Nakrus yangangi sede  
Il págua amukulesa  
Ega pudal itósa  
Judíosmal istárat  
Eskoro suchuígua

Be argan naga moga  
Nakrusgi pioilésa.

*Jesús uile an be dake....*

3

Bega ursilimala  
Nia kaya nikati  
Kuage suliti yobi  
Ichakuagua sunmáke  
Pabga mel ito soisa  
Iskana sunmai molat  
Uile amal be dake  
E nosmalat be iege.

*Jesús uile an be dake....*

4

Atursaeti pogua  
Be uiles taisa pina,  
Kuen bega ichakua sogé  
Kuen sogé uile pan take  
Emispinne, ega soisa,  
An neixe na sunnoé  
An uálik uilesa  
An ualika obunnóe.

*Jesús uile an be dake....*

5.

Nana pukipinsáe  
Nakrus ualíka noni  
Ibiga an Machi, soge  
Be burgue, ani suli?  
Jesús nue ga soisa  
Tulemala perkuable  
Be machimal kuóe  
Nan yob amála take.

*Jesús uile an be dake...*

## 23—SAN JOSE IBA

San José iba nagúsa  
Narganá tule uergúe  
Kantiki ega namake  
E akkuedi toi nust.

1

Epennegua Jesús Nana  
Teun Nasaret megisku  
San José nue pentasat  
Omegan arbaet gli.

2

San José tada nuedi  
Jesús Machi nue akkuisa  
Maskunnet, mola nuedi  
Pab yobi ga taisa gu.

3

San José karpinter sunnat  
E arbaet nue uisi  
Urgo inmala soblegedi  
Puktidar imaillesku.

4

Pentakedi abelesat  
Toi nuedi e amisat  
Jesús Machi e ualika  
Bali bali pentai di.

## 5

Auloi karpinter mala  
 Be pentaket nue egise  
 Urgogi arba sokalir  
 Mel akkar ga kuele.

## 6

San José seredi kusat  
 E kala nue pichisat  
 E burguet uilup mosale  
 Kuáe Dios se nable.

## 7

Burgualil e tikarba  
 Jesús, María kuichísku  
 E purba nue pentasat  
 Dios neixe naná sunno.

## 8

Emisgi Pab Dios ualika  
 Salla tummadí gakúsa  
 Narganá e soldagana  
 E pentaket egismai.

## 9

Niamala ononnóe  
 Kegumala onudake  
 Uilegana ouergue  
 Anmal pela pentake.





## 5

Togi an samogóe be soisa  
 Jesús gii nanasat an nanáo  
 E abesat unnila pinsao  
 E amisat an ami mogó.

## 6

Aa ulal mor uileget be yosa  
 Be nega emarba pur ichakua  
 Kurgin sur, naga suán be dailesa  
 Jesukristo uilup be imás.

## 7

Dios insae be unnila uisi  
 Pane pane be Dios nue kole  
 Jesukristo burguisa be taisar  
 Be kuage uilege itto di.

## 8

Kudío kurgin lko stigisa  
 E kuage espuñal gi maillesa  
 E naga arganbo gi naibosa  
 Toi be poe, oakue si.

---

LA ESTRELLA DE PANAMA-20.903-1-46

---